

欽定四庫全書

普濟方卷一百二十九 明 周王朱櫛 撰

傷寒門

辨傷寒熱病兩感證候

夫熱病者皆傷寒之類也或愈或死其死皆以六七日間其愈皆以一日已上者何也夫巨陽者諸陽之屬也其脈連於風府故為諸陽主氣人之傷於寒也故病則為熱雖甚不死其兩感於寒而病者必死夫兩傷於寒病

欽定四庫全書

普濟方

者一日則巨陽與少陰俱病故頭痛口乾煩滿而渴手太

小腸之經手少陰是心之經也二日足陽明與足太陰俱病則復滿體

熱不食譫言足陽明胃之經足太陰脾之經三日則足少陽與足厥陰

俱病則耳聾囊縮水漿不入口則不知人六日而死矣

足少陽膽之經足厥陰肝之經也是為六經陰陽表裏者也陽為腑主

表陰為臟主裏臟腑俱病故曰兩感三日而死者為一

日兩經受故云兩感是表裏俱病故六日而死矣

辨傷寒熱病不可治形候



傷寒三部脈陰陽俱盛大汗出不解者不可治

傷寒陰陽俱熱虛不止者不可治

傷寒脈至乍數乍疎者不可治

傷寒譫語妄語身熱脈浮大手足溫者生脈沉細手足

逆冷者不可治

傷寒欬而上氣其脈散者不可治

傷寒熱盛脈浮大者生沉小者不可治

傷寒已得汗脈沉小者生浮大者不可治

欽定四庫全書

普濟方

傷寒譫語直視而喘者不可治

傷寒下利厥逆躁不能卧者不可治

傷寒發熱下利至厥不反者不可治

傷寒病惡寒踈而利手足逆者不可治

傷寒五六日脈微細沉但欲卧汗出不煩時自吐利復

煩躁不得卧寐者不可治

傷寒六七日喘息高者不可治

傷寒發汗汗出若大灌發不可治



傷寒洩而腹滿甚者不可治

傷寒目不明熱不已者不可治

傷寒老人嬰兒熱而復滿者不可治

傷寒汗出嘔血者不可治

傷寒舌本爛熱不已者不可治

傷寒欬血而衄汗不出出不至足者不可治

傷寒髓熱者不可治

傷寒熱而瘧者不可治

欽定四庫全書

普濟方

傷寒熱病腰折癭瘕齒噤者不可治

傷寒下利後脈絕於手足厥冷脈不還不可治

傷寒四逆惡寒脈不至其人不熱而燥者不可治

熱病脈代者一旦死

熱病二三日身體熱腹痛頭痛俵食飲如故脈直而疾

者至八日不可治

熱病三四日腹已下不得汗脈大疾者生脈細小難得

者不可治



熱病四五日頭不熱腹不痛而吐脈來微細至十二日不可治
熱病七八日脈微小便如墨口乾脈代舌焦乾黑者不可治
熱病七八日脈微小病人便血口中乾一日半而死
熱病七八日脈不燥不數後三日中有汗三日不汗者死
熱病八九日頭不痛身不痛目不赤色不變而反利脈
欽定四庫全書
普濟方
來壘壘按不彈手時大心下堅者至十七日不可治
熱病已得汗而脈尚躁盛此陰脈之極也死
熱病脈常躁而不得汗者此陽脈之極也死脈盛躁得汗者生也
熱病已得汗體熱不去者不可治
熱病其人滾滾大熱脈細小者不可治
熱病下利不止腹中痛甚者不可治
辨可灸形證



夫少陰病其人雖裏和其病惡寒者宜灸之

少陰病吐利手足逆而發熱脈不足者灸其少陰

夫吐下手足厥無脈者當其厥陰灸之不溫反微喘者

死

傷寒六七日脈數手足厥煩躁不已灸厥陰不順者死

辨不可灸形證

凡微數之脈不可灸因熱為邪必致煩逆內有損骨傷

筋血枯之患脈當汗解反以灸之邪無所去因火而盛

欽定四庫全書

普濟方

病當愈重此為逆之治欲解者當發其汗而解也

辨可火形證

夫凡下利後下部中痛當溫之宜炒枳實若熬鹽等

之

辨病不可火證

夫傷寒寸口脈浮而弱即血氣虛衛氣微其脈浮則汗

出如流珠衛氣微榮氣虛其脈浮汗出如油太陽病中風以

火劫其汗風被火熱即冷血氣流洩常有潮熱身體枯



發黃病陽勝即衄陰虛即小便難陰陽俱虛竭身體枯  
燥但頭汗出至頸而還腹滿微喘口乾咽爛或不大便  
其甚者噦手足躁擾循衣摸床若心下滿小便利者其  
人可治小便不利不可治

夫傷寒脈浮而以火逼劫汗即亡陽必驚狂卧起不安  
夫陽病以火蒸之不得汗者其人必躁結若不結必下  
清血其脈躁者必發黃也

夫太陽病而熨其背大汗必出火氣入胃胃中乾燥必

欽定四庫全書

普濟方

發慌語

辨可水形證

夫太陽病差後胃中乾燥不得眠睡渴欲飲當少與之  
即愈若嘔吐熱在膈上思水者與五苓散即飲水也

夫傷寒七八日大渴欲食水然當與之常令不足勿意  
極也

夫凡傷寒病能飲水者為欲愈也若不渴而強與之因  
此成禍者其數多矣



夫水可除煩使胃和常須少與勿令多若還不與無由  
汗強與還因水致痲病非大渴不可與水渴不與水無  
由作汗則喘而殂也傷寒水為欲愈之候若渴者與之  
過多或小渴而強與之飲腹中熱少一不能消停飲作  
害者多矣曰水結曰喘悸曰咳噎曰咳噦曰下利曰小  
便不利安有不自水氣得之診視又職此太陽病發汗  
後大汗出胃中燥不得眠其人欲水當少與之胃和則  
愈厥陰病厥病渴欲飲水者與水則愈霍亂發熱頭痛  
欽定四庫全書  
普濟方

身疼熱多飲水者與五苓散嘔吐條水結證見頭汗出  
條飲水多停心下氣上乘心則為悸水氣結於胸脇則  
為水結胸胃中虛冷則為冷嘔噦冷氣相搏為噎上迫  
於肺則為咳喘漬入腹中則為下利邪執所搏畜於下  
焦則為小便不利小腹滿而裏急溢於皮膚則為腫重  
飲水過多者五苓散導之

辨不可水形證

夫凡發汗後飲水水灌之其人必喘水藥不得入口入



則為逆傷寒結胸為無熱證者宜與平和之藥若以水灌之益令熱不得出當汗而不汗即煩假令汗出後腹中痛可服和氣止痛之藥夫寸口脈浮大醫反下之此為大逆浮則無血大則為寒寒氣相搏即為腹鳴醫不知而反飲其水令汗大出水得寒氣必相搏其病必甚也

夫傷寒五六日而渴欲食未宜與也為腹中熱氣尚少不能消之更作病深矣若大渴者宜與之也

欽定四庫全書

普濟方

辨可溫形證

夫法冬宜熱藥

夫凡病發熱頭痛脈浮數身有疼痛宜溫其表

夫病腹滿下利嘔吐身疼痛者宜溫其表裏

夫太陽病下利不渴其臟有寒當宜溫之其人飲食入

則吐手足寒脈弦遲此為中寒不可吐下也當溫之

夫少陰病其脈沉者急當溫之下利不欲食者當宜溫

之下利脈遲緊為痛未止下利脈浮大者此皆為虛宜





溫之

夫凡脈浮革者自腹鳴若渴之與水者必噦宜溫之

夫病下之後續得下利水穀不止身體疼痛急當救之

裏宜溫之與治平四逆附子湯諸溫藥之輩

辨霍亂病脈証并治第十三

問病有霍亂何答曰嘔吐而利曰霍亂

三焦者水穀之道邪在三焦

則吐而不利在下焦則利而不吐邪在中焦則既吐且利以飲食不節寒熱不調清濁相干陰陽乖隔遂成霍

亂輕者止曰吐利重者揮霍潦亂名曰霍亂

欽定四庫全書

普濟方

問曰病發熱頭痛身疼惡寒吐利者此屬何病答曰此

名霍亂自吐下又利止復更發熱也

發熱頭痛身疼惡寒者本是傷寒因

邪入裏傷於脾胃上吐下利令霍亂也利止裏和復更發熱者還是傷寒必汗出而解

傷寒其脈微澁者本是霍亂今是傷寒却四五日至陰

經上轉入陰必利本嘔下利者不可治也欲似大便而

失氣仍不利者屬陽明也便必鞭十三日愈所以然者

經盡故也

微為亡陽澁為亡血傷寒脈微澁則本霍亂吐利亡陽亡血吐利止傷寒之邪未已還是

傷寒却四五日邪傳陰經之時裏虛遇夫邪必作自利本嘔者邪甚於上又利者邪甚于下嘔利邪甚於上下



先霍亂裏氣大虛又傷寒之邪再傳為吐利是重虛也故為不治難施功也此屬陽明便必鞭也十三日愈者傷寒六日傳遍三陽三陰後六日再傳經盡則陰陽之氣和太陽之邪去而愈也 下利後當便

鞭鞭則能食者愈今反不能食到後經中頗能食復過一

經能食過之一日當愈不愈者不屬陽明也

下利後亡津液當鞭

便能食為胃和必自愈不能食者為未和到後經中為復過一經言七日後再經也頗能食者胃氣方和過一

日當愈不愈者暴熱使之殊非陽明氣和也 霍亂頭痛發熱身疼痛熱多欲

飲水者五苓散主之寒多惡寒脈微而復利利止而亡

血也四逆加人參湯主之 惡寒脈微而利者陽虛陰勝也利止則津液內竭故云亡

欽定四庫全書

普濟方

血金匱玉函曰水竭則無血與四逆湯溫經助陽更加人參益津血 霍亂頭痛發熱身疼

痛熱多欲飲水者五苓散主之寒多不用水者理中丸

主之 頭痛發熱則邪自風寒而來中焦為寒熱相半之分邪稍高者居陽分則為熱熱多欲飲水者與五

苓散以散之邪稍下者居陰分則為寒寒多不用水者與理中丸溫之

理中丸方

人參 甘 溫 甘草 甘 平 白朮 甘 溫 乾薑 辛 熱 以上各三兩

內經曰參朮甘草之甘以緩脾氣調中寒淫所勝平以辛熱甘薑之辛以溫胃散寒

右四味搗篩為末蜜和丸如雞黃大以沸湯數合和



一丸碎研溫服之日三四夜二服腹中未熱益至四丸

然不及湯湯法以四物依兩數切用水八升煮取三升

去滓溫服一升一日三服加減法

若臍上築者腎氣動也去木加桂四兩

脾虛腎氣動者臍上築動內經曰甘

者令人中滿木甘壅滯桂泄奔豚是相易也

吐多者去木加生薑三兩

嘔家不喜甘去

木嘔家多服生薑以辛散之

下多者還用木悸者加茯苓二兩

下多者用木以

去濕加茯苓以導氣也

渴欲得水者加木足前成四兩半

津液不足則渴木甘

以緩之也腹中痛者加人參足前成兩半

裏虛則痛加人參以補之寒者加

欽定四庫全書

普濟方

乾薑足前成四兩半

寒淫所勝平以辛熱

腹滿者去木加附子一枚

服湯後如食頃飲熱粥一升許微自溫勿發揭衣被

胃虛則氣

壅腹滿甘令人中滿是去木也附子之辛以補陽散壅

吐利止而身痛不休者當消

息和解其外宜桂枝湯小和之

吐利止裏和也身痛不休表未解也與桂枝湯小和之外

臺云裏和表病汗之則愈也

吐利汗出發熱惡寒四肢拘急手足厥

冷者四逆湯主之

上吐下利裏虛汗出發熱惡寒表未解也四肢拘急手足厥冷陽虛陰勝也與

四逆湯助陽還陰

既吐且利小便復利而大汗出下利清穀內寒

外熱脈微欲絕者四逆湯主之

吐利亡津液則小便當少小便復利而大汗出津液



<p>不禁陽氣大虛也脈微為亡陽若無外熱但內寒下利清 穀為純陰此以外熱為陽未絕猶可與四逆湯救之斷不 可作汗若發汗則必亡陽而躁經曰</p>	<p>汗多亡陽遂虛惡風煩躁不得眠也</p>	<p>發汗則衄而渴心若煩飲則吐水</p>	<p>動氣者築築然氣動也</p>	<p>經曰肺內證臍右有動氣按之牢若痛肺氣不治正氣內 虛氣動於臍之右也發汗則動肺氣肺主氣鬲竅於鼻氣 虛則不能衛血血溢妄行隨氣出鼻為衄血亡津液胃 燥則煩渴而心若煩肺惡寒飲食則傷肺故飲則吐水動</p>	<p>氣在左不可發汗發汗則頭眩汗不止筋惕肉瞤</p>	<p>難經曰</p>	<p>之左有動氣接之牢若痛肝氣不渴正氣內虛氣動於臍 之左也肝為陰之主發汗汗不止則亡陽外虛故頭眩筋 傷肉瞤針經曰</p>	<p>動氣在上不可發汗發汗則氣上衝正在</p>	<p>止虛則虛眩</p>	<p>欽定四庫全書</p>	<p>普濟方</p>	<p>心端</p>	<p>難經曰心內證臍在上有動氣按之牢若痛心氣不 治正氣內虛氣動於臍之左也心為陽發汗亡陽則</p>	<p>愈損心氣腎乘邪氣欲上</p>	<p>凌心故氣上衝正在心端</p>	<p>動氣在下不可發汗發汗則無</p>
<p>汗心中大煩骨節疼痛目運惡寒食則反吐穀不得前</p>																
<p>難經曰腎在臍下有動氣按之牢若痛腎氣不治正氣內虛動 氣於臍之下也腎者主水發汗則無汗者水不足也心中 大煩者腎虛不能治心火也骨節疼痛者腎主骨也目運 者腎病則目眩眩如無所吐惡寒者腎主寒也食則反吐 穀不得前者腎水範也主水曰痛</p>																
<p>病嘔而吐食久反出是無水者</p>																
<p>咽中閉塞不可發汗發</p>																
<p>汗則吐血氣欲絕手足厥冷欲得蹇卧不得自溫</p>																
<p>咽閉者</p>																
<p>胃經不和則咽內不利發汗欲陽血隨發散而上必吐血 也胃經不和而反攻表則陽虛於外故氣欲絕手足冷欲</p>																



踈而不  
能自溫  
諸脈得數動微弱者不可發汗發汗則大便難

腸中乾胃燥而煩其形相象根本異源動異數源為熱在表微弱之脈

為熱在裏發汗亡津液則熱氣愈甚胃中乾燥則大便難中乾胃燥而煩根本雖有表裏之異逆治之後熱付

之則一是以肺濡而弱弱反在關濡反在巔弦反在上

微反在下弦為陽運微為陰寒實上下虛意欲得溫微

弦為虛不可發汗發汗則寒懷不能自還弦在上則風傷氣風勝者

陽為之運動微在下則寒傷血血傷者裏為之陰寒外氣泄與為上實裏有陰寒為下虛表熱裏意欲得溫莫

汗發吐已下斷汗出而厥四肢拘急不解脈微欲絕者通

欽定四庫全書  
普濟方

脈四逆加猪膽汁湯主之吐已下斷津液內竭則不當汗出汗者不當厥今之汗

出而厥四肢拘急不解脈微欲絕者陽氣大虛陰氣獨勝也若純與陽藥必格拒或嘔或躁不能得復入也與通

脈四逆湯加猪膽汁膽苦入心而通脈膽寒補肝而和陰引陽藥不被格拒內經曰微者逆之甚者從之此之謂

也吐利發汗脈平小煩者以新虛不勝穀氣故也內經曰食

入於陰長氣於陽所虛不勝穀氣是生小煩

辨陰陽易差後勞復病證并治第十四

傷寒陰陽易之為病其人身體重少氣少復裏急或引

陰中拘攣熱上衝胸頭重不欲舉眼中生花膝脛拘急



<p>燒裨散主之 大病新差血氣未復餘熱未盡強合陰陽 人與之交得病名曰陽易婦人新病差未平復而婦 之交得病名曰陰易以陰陽自感動其於毒相染著如 交易也其人病身體重少氣者損動真氣也少腹裏急 引陰中拘攣膝脛拘急陰氣極也熱上衝胃頭重不欲舉 眼中生花者感動之毒所為之氣 重蒸於上宜與燒裨散以逆陰氣</p>	<p>燒裨散方</p>	<p>右取婦人中裨近隱處剪燒灰以水和服方寸匕日 三服小便即利陰頭微腫則愈婦人病取男子裨襠</p>	<p>燒灰</p>	<p>欽定四庫全書 普濟方</p>	<p>大病後勞復者枳實梔子湯主之若有宿食者加大黃</p>	<p>如博碁子大五六枚 病有勞復有食復傷寒新差血氣 未平餘熱未盡早作勞動病者名</p>	<p>曰勞復病熱少愈而食之熱有所藏因其客氣留搏兩 陽相合而病者名曰食復勞復則熱氣浮越與枳實梔 子豉湯以解之食復則 胃有宿積大黃以解之</p>	<p>枳實梔子豉湯方</p>	<p>枳實 三枚 味苦寒 梔子 十四枚 擘 苦寒 豉 一升 苦寒</p>	<p>枳實梔子豉湯則應吐劑此云復令微似汗出者 以其熱聚于上苦則裏苦寒吐之熱散於表者苦 則發之內經火淫所勝 以苦發之此之謂也</p>
---	-------------	--	-----------	-----------------------	------------------------------	---	--	----------------	--------------------------------------	---



<p>右三味以清漿七升空煮取四升枳實梔子煮取二升下鼓更煮五六沸去滓溫分再服覆令微似汗</p>	<p>傷寒差後更發熱者小柴胡湯主之脈浮者以汗解之</p>	<p>脈沈實者以下解之 <small>差後餘熱未盡更發熱者柴胡湯以解之脈浮者熱在表也故以汗</small></p>	<p>解脈沈者熱在裏也故以下解之 <b>大病差後從腹已有水氣者牡蠣</b></p>	<p><b>澤瀉散主之</b> <small>大病差後脾胃氣虛不能制約胃水水溢下焦腰下為腫也金匱要畧曰腰肚下腫當利小便與牡蠣澤瀉散利小便而散水也</small></p>	<p><b>牡蠣澤瀉散方</b></p>	<p>欽定四庫全書 普濟方</p>	<p><b>牡蠣</b> 鹹平 <b>澤瀉</b> 鹹平 <b>枳實</b> 苦寒 <b>梔子</b> 苦寒 <b>蜀漆</b> 辛平 <b>葶藶</b> 苦寒</p>	<p><b>商陸根</b> 鹹平 <b>海藻</b> 鹹寒 <small>以上各等分</small></p>	<p>右七味均搗下篩為散更入白中治之白飲和服方寸匙小便利止後服日三</p>	<p>大病差後喜唾久不了了者胃上寒當以丸藥溫之宜</p>	<p>理中丸 <small>汗後陽氣不足胃中虛寒不內津液故喜唾不了了與理中丸以溫其胃傷寒解後</small></p>
--	------------------------------	---	---	--	----------------------	-----------------------	--	--	---------------------------------------	------------------------------	--



虛羸少氣氣逆欲吐者竹葉石膏湯主之  
傷寒解後津液不足而虛羸餘熱未盡熱則傷氣故少氣氣逆欲吐與竹葉石膏湯調胃散熱

竹葉石膏湯

竹葉 二把 辛平 石膏 一觔 甘寒 半夏 半觔 辛溫 麥門冬 一觔 平去心

人參 三兩 甘溫 甘草 三兩 平炙 粳米 半升 微寒

辛甘發散而除熱竹葉石膏甘草之甘辛以發散餘熱甘緩脾而益氣麥門冬人參粳米之甘以補不足辛者散也氣逆者欲其散半夏之辛以散逆氣也

右七味以水一斗煮取六升去滓內粳米煮米熟湯

欽定四庫全書

普濟方

成去米溫服一升日三服

病人脈已解而日暮微煩以病新差人強與穀脾胃氣

尚不能消穀故令微煩損穀則愈  
陽明王於申酉戌宿食在胃故曰暮微煩

當小一下之以損宿穀

辨不可發汗病脈證并治第十五

夫以為疾病至急倉卒尋按要者難得故重集諸可與

不可方治比之三陰三陽篇中此易見也又時有不止

是三陰三陽出在諸可與不可中也  
諸不可汗不可下病症藥方前三陰





三陽篇中經注已具者更不復出  
其餘無者于此已後經注備見  
脈濡而弱弱反在顛

微反在上瀆反在下微則陽氣不足瀆則無血陽氣反

微中風汗出而反躁煩瀆則無血厥而且寒陽微發汗

躁不得眠寸關為陽脈當浮盛弱反在關則裏氣不足

以候衛微反在上是陽氣不足榮行脈中沈為在下以

候衛溢反在下是無血也陽微不能固外腠理開疎風

因客之故令汗出而躁煩無血則陰虛不與陽相順接

故厥而且寒陽微無津液發汗常常煩躁日夜不能得

也 欬者則劇數吐涎沫咽中必乾小便不利心中飢煩

昏時而發其形似瘧有寒無熱虛而寒慄欬而發汗蹇

而苦滿腹中堅肺寒氣逆欬者則劇吐涎沫亡津液咽

而煩一日一夜氣大會於肺邪上相擊昏時而發形如

寒瘧但寒無熱虛而寒慄欬而發汗攻陽則陽氣愈虛陰

寒愈甚故蹇而 厥脈緊不可發汗發汗則聲亂咽嘶舌

苦滿腹中復堅厥而脈緊則少陰傷寒也法常溫裏而反

萑聲不得前發汗則損少陰之氣少陰之脈入肺中循

喉嚨挾古本胃為之本肺為之標本虛 諸逆發汗病微

者難差劇者言亂目眩者死命將難全不可發汗而強



則四肢厥逆冷肺經虛冷上虛下腫治下者效而小便利或失小便上虛發汗則陽氣外亡四肢者諸陽之本陽虛則不與陰相接故四肢逆冷

傷寒頭痛翁翁發熱形象中風常微汗出自嘔者下之

蓋煩心中懊懺如飢發汗則致瘥身強難以屈伸熏之

則發黃不得小便久則發欬唾傷寒當無汗惡寒今頭痛發熱微汗出自嘔傷

寒之邪傳而為熱欲形與裏若反下之邪氣乘結流于胃中為虛煩心唾膿如飢若發汗則虛表熱歸經結熱甚生風若身強直而成瘥若熏之則火熱相合消津液故小便不利而發黃肺惡火久則火熱肺必發欬而唾膿

欽定四庫全書

普濟方

夫脈沈數病在裏不可發汗無陽故也

凡脈盡中遲不可發汗榮衛不足血少故也

凡脈微軟弱者不可發汗

凡腹中有動氣在左右不可發汗

凡諸動脈微弱者皆不可發汗汗則小便難腸中乾煩燥之也

凡失血者不可發汗汗發必恍惚心亂

凡咽燥者不可發汗



凡積熱在臟不宜發汗汗則必吐中爛生瘡

凡下利水穀忌攻其表汗出必脹滿欬嗽小便利者

不可攻其表汗出即逆不堪者脈微遲溫濕虛煩壞病

推經水其表兼失血臍間動氣並如之病在表脈浮者

可汗表證具發濁脈不浮是表猶藏裏也未可汗傷寒

不可汗條例最多其可汗大抵脈證全在表表固汗然

汗大早太過或津液泄變生焉當時誤汗則為亡陽為

讖語為可下厥上竭等證其害人又速設或誤汗真武

欽定四庫全書

普濟方

湯救解寒者去芍藥有熱去附子吁此救兵也謹之謹之

表中風寒裏消則裏病表熱者雖無陽證可以小心之劑微汗而溫散之微脈若為亡陽不

可汗桂枝二越婢一湯尺脈遲為血少榮氣不足不可

發汗先用黃耆建中湯養血俟其脈不遲即小柴胡湯

桂枝二越婢一湯和解風溫濕溫各有本條虛煩似傷

寒傷陰不惡寒身不疼脈不緊不可汗下竹葉湯或小

柴胡湯壞病者吐汗下溫不解知犯何逆法治之並不

可汗小柴胡湯衄血下血雖脈浮緊無汗然而衄欲愈



下者亦欲愈不愈用桂枝湯不可發汗腹中左右上下  
動氣築觸不可汗不止筋惕肉瞤為逆先服防風白朮  
牡礪湯則頭眩汗下證治論用柴胡桂枝湯動在右發  
汗汗止建中湯準之動在右發汗衄而謂心若煩飲吐  
先五苓散次竹葉湯動在上發氣上衝心棗根湯動在  
下發汗心中大煩骨節疼頭痛目運入食吐用大橘皮  
湯以止吐次建中湯下利清穀用理中湯止吐次建中  
湯或大便不通皆不可汗惡寒脈浮此為表證若謂之  
邪欲入裏不可汗

欽定四庫全書  
普濟方

夫咽乾喉塞亡血淋家衄家與瘡家動氣並不可汗證  
治論皆用小柴胡湯厥逆不可發汗當歸四逆湯

辨可發汗脈證并治第十六

大法春夏宜發汗 春夏陽氣在外邪氣亦在外故可發汗

凡發汗欲令手足俱周時出以絳然一時間許出亦佳  
不可令如水流漓若病不解當重發汗汗多必亡陽陽  
虛不得重發汗也 汗緩緩出則表裏之邪悉去汗大出則邪氣不能除但亡陽也陽虛為無



<p>津液故不可重發汗凡服湯發汗中病便止不必盡劑<small>汗多則凡</small></p>	<p>云可發汗無湯者丸散亦可用要以汗出為解耳然不</p>	<p>如湯隨證良驗<small>聖劑經曰湯津主治本乎腠理壅邪除邪氣者於湯為宜金匱玉函曰水能淨</small></p>	<p><small>萬物故</small>用湯也夫病脈浮大問病言但便鞭爾設利者為大逆</p>	<p>鞭為實汗出而解何以故脈浮當以汗解<small>經曰脈浮大</small></p>	<p><small>下之為大逆便鞭雖為實裏亦當先解其外若行利藥</small></p>	<p><small>是為大逆結胃雖急脈浮大猶不可下下之即死況便</small></p>	<p><small>難乎經曰本發汗而復下之此</small>下利後身疼痛便自調</p>	<p>者急當救表宜枝湯發汗<small>外臺嘗云裏和表病汗之則愈</small></p>	<p>欽定四庫全書 普濟方</p>	<p>太陽病脈浮數者宜發汗也</p>	<p>太陽病脈浮大數者宜發汗也</p>	<p>陽明病脈遲汗多而微惡寒者外未解宜發汗</p>	<p>陽明病脈浮數者宜發汗</p>	<p>太陽病常汗微微自出更宜發汗</p>	<p>凡脈浮而緊者浮則為風緊則為寒宜發汗</p>	<p>太陽病下之微喘者外未解也宜發汗</p>	<p>太陽病發熱汗出而惡寒宜發汗</p>
---	------------------------------	--	--	---	---	---	---	--	-----------------------	--------------------	---------------------	---------------------------	-------------------	----------------------	--------------------------	------------------------	----------------------



辨發汗後病脈證并治第十七

發汗多亡陽譫語者不可下與柴胡桂枝湯和其榮衛

以通津液後自愈

胃為水穀之海津液之主汗多亡津液胃中燥必發譫語此非實熱則不

可下與柴胡桂枝湯和其榮衛通行津液則其胃潤譫語自止

辨不可吐第十八

合四證已具太陽篇中

夫太陽病惡寒而發汗自汗出而反不惡寒其關上脈

細數者不可吐之

欽定四庫全書

普濟方

夫少陰病其人欲食入吐心中溫溫欲吐復不能吐手

足寒脈弦遲乾嘔此膈上有食飲不可吐之當宜溫也

諸四逆者不可吐之

諸虛羸不可吐之

新產者不可吐之

病者惡寒而不欲近衣不可吐之

辨可吐第十九

大法春宜吐

春時陽氣在上邪氣亦在上故宜吐

凡用吐湯中病即止不



必盡劑也

要在適當不欲過也

病胃中諸實胃中鬱鬱而痛不能

食欲使人按之而反有涎唾下利日十餘行其脉反遲寸

口脈微滑此可吐之利則止

胃上諸實或痰實或熱鬱或寒結胃中鬱而痛不能

食欲使人按之反有涎唾者邪在下按之氣下而無涎

唾此按之反有涎唾知邪在胃中經曰下利脈遲而滑

者內實也故可吐之

王函曰上盛不已吐而奪之宿

食在上脘者當吐之

宿食在中下脘則當下宿食在上脘則當吐內經曰其高者因而越

之其下者病人手足厥冷脈乍結以客氣在胃中心下

此與第六卷厥陰門瓜蒂散證

欽定四庫全書

普濟方

同彼云脈乍緊此云脈乍結惟此有異緊為內實乍緊則實未深是邪在胃中為結乍實則結未深是邪在胃

中所以證

治同也凡服之吐胃中病便止不必盡劑也

大法春夏宜吐凡病頭不強痛寸四脈浮胃中痞滿上

衝喉咽不行此為有痰當宜吐之傷寒胃滿痰逆朝嘔

熱嗽及肺壅唾膿等宜吐之夫宿食在胃脘宜吐之

辨不可下病脈證并治第二十

脈濡而弱弱反在關濡反在巔微反在上澁反在下微

則陽氣不足澁則無血陽氣反微中風汗出而反躁煩



<p>澁則無血厥而且寒陽微不可下下之則心下痞鞭<small>陽微</small></p>	<p>下之陽氣已虛陰氣內甚故心下痞鞭 動氣在右不可下下之則津液內</p>	<p>竭咽燥鼻乾頭眩心悸也<small>動氣在右肺之動也下之傷胃肺津液內竭咽燥鼻乾者</small></p>	<p>肺屬金主燥也頭眩心悸者肺主氣而虛也 動氣在左不可下下之則腹內</p>	<p>拘急食不下動氣更劇雖有身熱卧則欲蹇<small>動氣在左肝之動也</small></p>	<p>下之損脾而肝氣益勝復行於脾故腹內拘急食不下動氣更劇也雖有身熱以裏氣不足故卧則欲蹇也</p>	<p>動氣在上不可下下之則掌握熱煩身上浮冷熱汗自泄</p>	<p>欲得水自灌<small>動氣在上心之動也下之則傷胃內動心氣心為火主熱針經曰心之生病者掌中</small></p>	<p>欽定四庫全書<small>普濟方</small></p>	<p>熱肝為臟中之陰病則身雖有熱外則欲蹇者表熱裏寒也心為臟中之陽病則身上浮冷熱汗自泄欲得水</p>	<p>自灌者表寒裏熱也二臟陰陽寒熱明可見焉 動氣在下不可下下則腹脹滿</p>	<p>卒起頭眩食則下清穀心下痞也<small>動氣在下腎之動也下之則傷脾腎氣則</small></p>	<p>動寒乘脾故有因腹滿頭眩下利則心下痞之證也 咽中閉塞不可下下之則上</p>	<p>輕下重水漿不下卧則欲蹇身急痛下利日數十行<small>咽中</small></p>	<p>閉塞胃已不和也下之則閉塞之邪為上輕傷胃氣為下動至水漿不下卧則欲蹇身急痛下利日數十行知</p>	<p>也<small>虛寒</small> 諸外實者不可下下之則發微熱亡脈厥者當臍握熱<small>外實者表熱也汗之則愈下之為逆下後裏虛表熱內陷故發微熱厥深者熱亦深亡脈厥者則陽</small></p>
--	--------------------------------------	--	---------------------------------------	---	--	-------------------------------	---	---------------------------------	---	--	---	---	--	---	--





虛數為熱浮為虛自汗出而惡寒數為痛振寒而慄微	在巔浮反在上數反在下浮為陽虛數則為無血浮為	是胃氣除去也口雖欲言舌不能前氣已衰脫不能運也脈濡而弱弱反在關濡反	目盲陰陽脫者應俱是不能食而穀多入者此為除中	者應不能食而言不休難經曰脫陽者見鬼脫陰者則	寒及汗出身冷如水者表氣損也表裏損極至陰陽脫	脇拘急喘息為難者裏氣損也頸背相引臂為不仁極	正氣而成危惡脅中如蟲齧粥入則出而小便不利兩	寒為欬則脈亦微也下之氣下欬雖止而利不休則奪	口雖欲言舌不得前 <small>內經曰感於寒則受病微則為欬而不能安甚則為泄為痛肺感微</small>	身冷若冰眼睛不慧語言不休而穀氣多入此為除中	兩脇拘急喘息為難頸背相引臂則不仁極寒反汗出	利因不休利不休則脅中如蟲齧粥入則出小便不利	欲得溫微絃為虛虛者不可下也 <small>虛家下之是為重虛難經曰實實虛虛損</small>	絃反在上微反在下弦為陽運微為陰寒上實下虛意	愈惡水者劇 <small>金匱玉函曰虛者十補勿一瀉之虛門下之為重虛內竭津液故令大渴求水者陽氣</small>	氣深陷客於下焦故臍熱也諸虛者不可下下之則大渴求水者欲
-----------------------	-----------------------	----------------------------------	-----------------------	-----------------------	-----------------------	-----------------------	-----------------------	-----------------------	--	-----------------------	-----------------------	-----------------------	---	-----------------------	--	----------------------------

欽定四庫全書

普濟方



弱在關膈下為急喘汗而不得呼吸呼吸之中痛在於脇振

寒相搏形如瘧疾而反下之致令脉數發熱狂走見鬼

心下為痞小便淋瀝小腸甚硬小便則尿血也

弱在關則陰氣

內弱濡在巔則陽氣外弱浮為虛浮在上衛不足也故云陽虛陽虛不固故腠理汗出惡寒數亦為虛數在下則榮不

及故云亡血則不能溫潤腑臟脉數而痛振寒而慄微弱在關邪氣傳裏也裏虛過邪膈下為急喘而汗出脇下

引痛振寒如瘧裏邪未實表邪未解醫反下之裏氣益虛邪熱內陷故脉數發熱狂走見鬼心下為痞此熱陷

于中焦者也若熱氣深陷則客於下焦使小便淋瀝小腸甚鞭小便尿血也 脈濡而緊濡則

胃氣微緊則榮中寒陽微衛中風發熱而惡寒榮緊胃

欽定四庫全書

普濟方

氣冷微嘔心內煩醫為有大熱解肌而發汗亡陽虛煩

躁心下苦痞堅表裏俱虛竭卒起而頭眩客熱在皮膚

悵快不得眠不知胃氣冷緊寒在關元技巧無所施汲

水灌其身客熱應時罷慄慄而振寒重被而覆之汗出

而冒顛體惕而又振小便為微難寒氣因水發清穀不容

間嘔變反腸出顛倒不得安手足為微逆身冷而內煩遲

欲從後救安可復追還

胃冷榮寒陽微中風發熱惡寒微嘔心煩衣不溫胃反為有熱

解肌發汗則表虛亡陽煩躁心下痞堅先裏不足發汗又虛其表表裏俱虛竭卒起頭眩客熱在表悵快不得



<p>眠醫不效，裏但責表熱，汲水灌洗以却熱，客熱易罷，裏寒益增，燥而振寒，復以重被覆之，裏虛遂汗出，愈使陽氣虛也。巔頂也，巔胃而體振寒，小便難者，亡陽也。寒因水發，下為清穀，上為嘔吐，外有厥逆，內為燥煩，顛倒不安。</p>	<p>雖欲拯救不可得也。本草曰：病勢已過，命將難全。脈浮而大，浮為氣實，大為血虛。</p>	<p>氣實為無陰，孤陽獨下，陰部者小便當赤而難，胞中當</p>	<p>虛今反小便利而有汗出，法應衛家當微，今反更實。</p>	<p>津液四射，榮竭血盡，乾煩而不得眠，血薄肉消而成暴</p>	<p>液醫復以毒藥攻其胃，此為重虛，客陽去有期，必下如</p>	<p>汚塗而死。<small>衛為陽榮為陰，衛氣強實，陰血虛弱，陽乘陰虛，下至陰部，陰部下焦也。陽為熱，則消津液當</small></p>	<p>欽定四庫全書 普濟方</p>	<p>小便赤而難，今反小便利而大汗出者，陰氣內弱也。經曰：陰弱者汗自出，是以衛家不微而反更實。榮竭血盡，乾煩而不眠，血薄則內消而成暴液者，津液四射也。醫反下之，又虛其裏，是為重虛。孤陽因下而又脫去，氣血竭，胃氣內盡，必下。脈數者，久數不止，止則邪結，正氣不</p>	<p>能復正氣，却結于藏，故邪氣浮之，與皮毛相得，脈數者</p>	<p>不可下，下之則必煩利不止。<small>數為熱，止則邪氣結于經絡之間，正氣不得復行于</small></p>	<p><small>表則却結於藏，邪氣獨浮于皮毛，下之虛其裏，邪熱乘虛而入，裏虛協熱，必煩利不止。脈浮大應</small></p>	<p>發汗，醫反下之，此為大逆。<small>浮大屬表，故不可下，病欲吐者不可下之也。嘔多</small></p>	<p>雖有陽明證不可攻之。<small>為邪猶在</small>大陽病外證未解不</p>
---	---	---------------------------------	--------------------------------	---------------------------------	---------------------------------	---	-----------------------	--	----------------------------------	---	---	---	--



可下下之為逆	<small>表未解者雖有裏證亦不可下當先解外為順若反下之則為逆也經曰本發</small>
汗而復下之此為逆也	<small>夫病陽多者熱下之則鞭</small>
<small>若先發汗治不為逆</small>	<small>則津液少下之雖除熱復損津液必便難</small>
<small>也或謂陽多者表熱也下之則心下鞭</small>	<small>無陽陰強大</small>
便鞭者下之則必清穀腹滿	<small>無陽者亡津液也陰強者寒多也大便鞭則為陰結</small>
<small>下之虛胃陰寒內</small>	<small>傷寒發熱頭痛微汗出發汗則不識</small>
<small>甚必清穀腹滿</small>	
人熏之則喘不得小便心腹滿下之則短氣小便難頭	
痛背強加溫針則衄	<small>傷寒則無汗發熱頭痛微汗出者寒邪變熱欲傳於裏也發汗則亡</small>
<small>陽增熱故不識人若以火熏之則火熱傷氣內消津液結為裏實故喘不得小便心腹滿若反下之則內虛津</small>	
欽定四庫全書	<small>普濟方</small>
<small>液邪欲入裏外動經絡故短氣小便難頭痛背</small>	<small>傷寒脈</small>
<small>強加溫針益陽增熱將必動其血而為衄也</small>	
陰陽俱緊惡寒發熱則脈欲厥厥者脈初來大漸漸小	
更來漸漸大是其候也如此者惡寒甚者翕翕汗出喉	
中痛熱多者目赤脈多睛不慧醫復發之咽中則傷若	
復下之則兩目閉寒多者便清穀熱多者便膿血若熏	
之則身發黃若熨之則咽燥若小便利者可救之小便	
難者為危殆	<small>脈陰陽俱緊則清邪中上濁邪中下太陽少</small>
<small>厥者表邪欲傳裏也惡寒甚者則變熱翕翕汗出喉中病</small>	
<small>以少陰之脈循喉嚨故也熱多太陽多也目赤脈多者睛</small>	



不慧以太陽之脈起於目故也發汗攻陽則火陰之熱  
因發而行上故咽中傷若復下之則太陽之邪因虛而  
內陷故兩目閉陰邪下行為寒多必便清穀陽邪下行  
為熱多必便膿血熯之則火熱甚身必發黃炭之則火  
熱必輕為咽燥小便便利者為津液未竭猶可救之小便  
難者津液已絕則難可制而危殆矣此則不可不知也  
傷寒發熱口中勃勃氣出頭痛目黃衄不可制貪水者  
必吐惡水者厥若下之咽中生瘡假令足手溫者必下  
重便膿血頭痛月黃者若下之則兩目閉貪水者脈必  
厥其聲嚶咽喉塞若發汗則戰慄陽陰俱虛惡水者若  
下之則裏冷不嗜食大便完穀出若發汗則口中傷舌  
欽定四庫全書  
普濟方

上白胎煩燥脈數實不大便六七日後必便血若發汗  
則小便自利也傷寒發熱寒變熱也口中覺勃勃氣出  
熱容上膈也頭痛目黃血不可制者熱  
蒸于上也千金曰無陽即厥無陰即嘔貪水者必嘔則  
陰虛惡水者厥則陽虛也發熱口中勃勃氣出者咽中  
已熱也若下之亡津液則咽中生瘡熱因裏虛而下若  
熱氣內結則手足必厥設手足溫者熱氣不結而下行  
作咋熱利下重便膿血也頭痛目黃者  
目閉也貪水為陰虛下之又虛其裏陽氣內陷故脈厥  
聲嚶咽喉閉塞陰虛發汗又虛其陽使陰陽俱虛而戰  
慄惡水者為陽虛下之又虛胃氣虛寒內甚故致裏冷  
不嗜食陽虛發汗則上焦虛燥故口中傷爛舌上白胎  
而煩燥也經曰脈數不解合熱則消穀喜饑至六七  
日不大便者此則有淤血也脈數實不大便六七日熱  
血於內也七日之後邪熱漸解迫血不行必便血也便



血發汗陰陽俱  
虛故小便利

下利脈大者虛也以其強下之故也設

脈浮革因爾腸鳴者屬當歸四逆湯主之

脈大為虛以木應下而下

之利因不休也浮者按之不足也革者實大而長微強也浮為虛革為寒寒虛相搏則腸鳴與當歸四逆湯補

虛散

大傷寒脈濡而弱陽氣不足不可下之下之則心

下痞津液內竭咽燥鼻乾也

夫傷寒脈浮而緊浮則為風緊則為寒風則傷榮寒則

傷衛榮衛俱病骨節煩疼當發其汗而不可下也

夫傷寒脈浮濡弱不得發汗無陽故也亡陽尺中弱澁

欽定四庫全書

普濟方

者不可下

夫傷寒結胸證其脈浮大不可下下之即死矣

夫太陽與陽明合病喘是胃滿不可下

夫太陽與少陽合病心下堅頸強項而眩不可下也

夫四逆病厥者不可下也

夫病欲吐者不可下也

夫病發於陽而反之熱入咽作結胸也

夫太陰病其人腹滿吐食不可下下之益甚



夫少陰病當心下堅滿不可下之後利不止者死  
夫病在裏而腹實者可下裏證悉具若惡寒若脈不實  
是裏猶帶表也未可下之傷寒不可下條例最多其可  
下者大抵脈證全在裏也裏故可下然下之太早太過  
或者水穀脫而變生焉至於當汗而誤下則理中湯丸  
懷為結脅等證其害人之速耳設或誤下則理中湯丸  
以救解之或裏煩則少加烏梅或轉損厥逆則兼與四  
逆湯輩吁此救兵也謹之謹之脈來細小固不可下若  
細小而牢緊又可下也脈浮病在表不可下結脅脈浮  
大不可下脈細虛或遲緩或尺部濇弱此凡皆為血氣  
衰不可下也惡寒者表之虛證雖陽明惡寒則與太陽  
合屬病表汗不可下若少陰證惡寒則溫之嘔吐者雖  
有陽明證謹不可下小柴胡加生薑主之小便自利汗  
出者津液竭糞雖硬屬陽明但用蜜導而出也猪膽汁  
亦可導也脾約證大便堅小便清者熱不在裏雖不大  
便不可下桂枝湯治之少陰證小便白為下焦虛寒用

欽定四庫全書

普濟方



四逆湯大便堅小便少者津液還入胃必先鞭後澹不
久自出惟小便如常乃可下之有表證脈大浮或惡寒
或猶生寒熱並不可下不轉失氣謂不可下泄也不下
泄則先鞭後澹不可下大抵陽明燥糞欲下之先與小承
氣湯若轉失氣則必先澹後鞭更進一劑不轉失氣則
止又陽明讞語潮熱脈疾與小承氣湯不轉失氣則與
小柴胡湯若次日又不大便而脈濇則為裏虛黃耆建
中湯主之凡陽證而脈濇謹不可下頭汗出為津液少胞
欽定四庫全書
普濟方
中虛不可下唯陽明語讞血熱頭汗則可下諸虛少血厥
逆喉閉喉吐亡陽陰實動氣皆不可下虛加附子湯厥
逆當歸四逆湯咽喉閉寒烏扇湯嘔吐小半夏加梗皮
湯無陽陰實而大便鞭者下之必清穀腹滿但用蜜導
左動氣下之則腹滿拘急氣愈動身雖熱反欲拳先甘
草乾薑湯次小建中湯左動氣下之則津液竭咽鼻乾
頭眩心悸竹蒂湯上動氣下之則握掌熱煩汗出欲灌
水竹葉湯下動氣下之則腹滿清穀心痞頭眩甘草瀉





心湯小柴胡湯加減傷寒諸方惟小柴胡為用最多而諸家屢稱述之蓋以柴胡半夏之劑能汗凡半表半裏之間以之和解皆可用也如不知小柴胡非時為表裏和解設其於解益熱消惡血誠有功焉蓋傷寒發熱一二日間解撤不去其熱必至於傷血凡男女皆然小柴胡湯內有黃芩柴胡最行血熱所以屢獲奇功但藥性差寒用之貴能加減今推明活法凡表發熱裏又有燥渴糞鞭熱證者是為內外俱熱小柴胡加大黃裏無熱證但發汗在表者小柴胡加桂枝主解表可以溫血所謂陰盛惡寒甘辛發散者此也是反別大黃主功裏可以蕩滌血熱所謂陽盛內熱酸苦湧泄者此也是又別其解表以溫攻裏以寒之若遇少陽本證及無表裏證或表裏不分之證但依本方用之並不須加減此為正訣虛者少與尤在酌量

辨可下病脈證并治第二十一

大法秋宜下秋時陽氣下行則邪亦在下故宜下凡服下藥用湯勝丸中

欽定四庫全書

普濟方



病即止不必盡劑也

湯之為言蕩也滌蕩腸胃溉灌臟腑推陳燥結却熱下寒破散邪疫

理導潤澤枯槁悅人皮膚益人血氣水能淨萬物故勝丸散中病即止者如承氣湯證云右一服利而止後服

又曰若一服讖語止更莫復服是不盡劑也

下利三部脈皆平按之心下鞭

者急下之宜大承氣湯

下利者脈當微厥今反和者為內實也下利三部脈平者已為

實而久按之心下鞭故為邪甚也故宜大承氣湯下之

下利脈遲而滑者內實也

利未欲止當下之宜大承氣湯主之

經曰脈遲者食乾物得之金匱要畧

曰滑則穀氣實下利脈遲而滑者為有宿食也脾胃傷食不消水穀是致下利者云內食若但以溫中厚蕩之

藥治之利未必止可與大承氣湯下去宿食利自止矣

問曰人病有宿食何以別

欽定四庫全書

普濟方

之師曰寸口脈浮而大按之反澁尺亦微而澁故知有宿

食當下之宜大承氣湯

寸以候外尺以候內浮以候表沉以候裏寸口脈浮大者氣實

血虛也按之反澁尺中亦微而澁者胃有宿食裏氣不和也與大承氣湯以下宿食

下利不欲食

者以有宿食故也當即下之與大承氣湯

傷食則惡食故不欲食如

傷風惡風傷寒惡寒之數也

下利差後至其年月日復發者以病不

盡故也當下之宜大承氣湯

乘春則肝先受之乘夏則心先受之乘至陰則脾先

受之乘秋則肺先受之假令春時受病氣又傷肝治之難愈邪有不盡者矣春時先受月日內外相感必復動

而病下利為腸胃病宿積不盡故當下去之

下利脈反滑當有所去下之乃



愈宜大承氣湯主之

脈經曰脈滑者為病食也下利脈滑則內有宿食故云當有所去與

大承氣湯

以下宿食病腹中滿痛者此為實也當下之宜大承氣湯

金匱要畧曰病者腹滿中按之下痛為虛痛為實可下之腹中滿痛者裏氣壅實也故可下之矣傷寒

脈沈沈者內實也下解之宜大柴胡湯

傷寒後為表匕解脈沈為裏未

和與大柴胡湯以下內實經曰傷寒差已後更發熱脈沈實者以下解之也

脈雙弦而遲者

必心下鞭脈大而緊者陽中有陰也可以下之宜大承

氣湯

金匱要畧曰脈雙弦者寒也經曰遲為在臟脈雙弦而遲者陰中伏陽也必心下鞭大則為陽緊則

為寒脈大而緊者陽中伏陰也與大承氣湯以與陰陽相合

欽定四庫全書

普濟方

夫少陰病得之口燥咽乾宜急下之

夫傷寒病人腹滿不大便者亦然

夫傷寒病腹中滿痛者為寒當宜下之

夫傷寒脈數而滑者有宿食當下之則愈

夫傷寒六七日目中童子不明無外證大便難微熱者

此為實宜急下之

夫太陽病七八日脈微浮者其人發狂此下焦有熱小

腹當堅而滿小便自利下血乃愈瘀血在裏故也宜下



之

夫陽明病但頭汗出其身無汗小便不利渴飲水漿此為瘵熱在裏身必發黃宜急下之

夫太陽病有熱而小腹滿者小便反利此為有畜血當宜下之

夫傷寒病五六日不大便繞臍痛煩燥汗出者此為有結汗出後則暫解日晡則復發脈實者當宜下之

夫傷寒七八日身黃如橘小便不利其腹微滿者宜下

欽定四庫全書

普濟方

之

夫陽明病其人多汗津液越出胃中有熱大便必堅宜下之

夫傷寒大下後六七日不大便煩熱不解腹滿如痛者此有宿食宜下之

夫傷寒病小便不利大便乍難乍易時有微熱不能卧此胃中內有結燥故也宜下之

辨發汗吐下後脈證并治第二十三此第十卷



第二十二篇凡四十八證前三陰三陽篇中悉具載之

此已下諸方于隨卷本證下雖已有錄止以加減言之未甚明白以覽者檢閱未便今復校勘備列于後

桂枝加葛根湯主之方

葛根<sup>四兩</sup>芍藥<sup>三兩</sup>甘草<sup>二兩</sup>生薑<sup>三兩</sup>切大棗<sup>十二枚</sup>桂

枝<sup>三兩</sup>去皮

右七味以水一斗先煮麻黃葛根減二升去上沫內

欽定四庫全書

普濟方

諸藥煮取三升去滓溫服一升覆取微似汗不須啜

粥餘如桂枝法

桂枝加厚朴杏仁湯方於桂枝湯方內加厚朴三兩用杏仁五十箇去皮尖餘依前法

桂枝加附子湯方於桂枝湯方內加附子一枚炮去皮破八片餘依前法

皮桂枝加白朮四兩依前法

桂枝去芍藥湯方於桂枝湯方內去芍藥餘依前法

桂枝去芍藥加附子湯方於桂枝湯方內去芍藥加附子一枚炮去皮破八片餘依前

法



桂枝麻黃各半兩湯方	桂枝 <small>一兩十六銖去皮</small> 芍藥生薑 <small>切</small> 甘草 <small>炙</small> 麻黃 <small>各一兩去</small>	節大棗 <small>四枚</small> 杏仁 <small>二十四箇湯浸去皮尖及兩仁者</small>	右七味以水五升先煮麻黃三沸去沫內諸藥煮取	一升八合去滓溫服六合	桂枝二麻黃一湯方	桂枝 <small>一兩十七銖去皮</small> 芍藥 <small>一兩六銖</small> 麻黃 <small>十六銖去節</small> 生薑 <small>一兩六銖</small>	切杏仁 <small>十六箇</small> 甘草 <small>一兩二銖炙</small> 大棗 <small>五枚</small>	欽定四庫全書 普濟方	右七味以水五升先煮麻黃三沸去上沫內諸藥煮	取二合去滓溫服一升	白虎加人參湯方 <small>於白虎湯方內加人參三兩餘依白虎湯法</small>	桂枝去桂加茯苓白朮湯方 <small>於桂枝湯方內去桂枝加茯苓白朮各三兩餘依前</small>	法煎服小便利則愈	葛根加半夏湯方 <small>於葛根湯方內加半夏半升餘依葛根湯法</small>	桂枝加芍藥生薑人參新加湯方 <small>於第二卷桂枝湯方更加芍藥生薑各一</small>	兩入參三兩餘依桂枝湯法服
-----------	--	---	----------------------	------------	----------	---	---	---------------	----------------------	-----------	--	---	----------	--	---	--------------



右八味以水一斗，煮取六升，去滓，再煎，取三升，溫服。	生薑瀉心湯方 生薑 <small>四兩切</small> 甘草 <small>三兩炙</small> 人參 <small>三兩</small> 乾薑 <small>一兩</small> 黃芩 <small>三兩</small> 半夏 <small>三兩</small> 半升洗 黃連 <small>一兩</small> 大棗 <small>一枚擘</small>	右四味以切三味，麻黃湯三升，漬之，須臾絞去滓，內附子汁，分溫再服。	附子瀉心湯方 大黃 <small>二兩</small> 黃連 黃芩 <small>各一兩</small> 附子 <small>一枚炮去皮臍</small>	右九味以水七升，煮取三升，去滓，溫服。	欽定四庫全書 普濟方	柴胡桂枝湯方 桂枝 <small>去皮</small> 黃芩 人參 <small>各一兩</small> 甘草 <small>一兩炙</small> 半夏 <small>二兩半</small> 芍藥 <small>一兩半</small> 大棗 <small>六枚擘</small> 生薑 <small>一兩半切</small> 柴胡 <small>四兩</small>	柴胡加芒消湯方 小柴胡湯方內加芒消七兩，餘依前法服，不解更服之。	桂枝加桂湯方 第三卷桂枝湯方內更加桂枝三兩，共五兩，餘依前法。	梔子生薑豉湯方 梔子豉湯方內加生薑五兩，餘依前法，得吐之後服。	梔子甘草豉湯方 梔子豉湯方內加入甘草三兩，餘依前法，得吐止勿服。
----------------------------	---	-----------------------------------	--	---------------------	---------------	---	-------------------------------------	------------------------------------	------------------------------------	-------------------------------------



一升日三服

甘草瀉心湯方

甘草<sup>四兩</sup> 黃芩<sup>三兩</sup> 乾薑<sup>三兩</sup> 半夏<sup>半升</sup> 大棗<sup>十二枚</sup> 黃連<sup>一兩</sup>

右六味以水一斗煮取六升去滓煎取三升溫服一

升日三服

黃芩加半夏生薑湯方

於黃芩湯方內加半夏并生薑一兩半餘依黃芩法服

桂枝加大黃湯方

欽定四庫全書

普濟方

桂枝<sup>三兩</sup> 去皮 大黃<sup>一兩</sup> 芍藥<sup>六兩</sup> 生薑<sup>三兩</sup> 切 甘草<sup>三兩</sup> 炙 大棗<sup>十二枚</sup> 擘

右六味以水七升煮取三升去滓溫服一升日三服

桂枝加芍藥湯方

於第二卷桂枝湯方內更加芍藥三兩通共六兩依桂枝湯方服

四逆加吳茱萸生薑湯方

當歸<sup>三兩</sup> 芍藥<sup>三兩</sup> 甘草<sup>三兩</sup> 炙 通草<sup>二兩</sup> 桂枝<sup>三兩</sup> 去皮 細辛<sup>三兩</sup> 生薑<sup>半升</sup> 切 吳茱萸<sup>二升</sup> 大棗<sup>二十五枚</sup> 擘

右九味以水六升清酒六升和煮取五升去取溫分





<p>五服方水酒各四升</p> <p>四逆加人參湯方 <small>於四逆湯方內加人參一兩亦依四逆湯法服</small></p> <p>四逆加猪膽汁湯方 <small>於四逆湯方內加入猪膽汁半合餘依膽煎服如無猪膽以羊膽代之</small></p>	<p>音釋</p>	<p>辨陽明脈證并治</p> <p>廁 <small>初吏切間也潤也</small> 瘕 <small>音假腹中久病</small> 疸 <small>音但黃病</small> 憤 <small>古對切心亂也</small> 怵 <small>勅律切悲也</small> 惕</p> <p><small>音踢敬也</small> 瘵 <small>丁賀切又憂也</small> 瘵 <small>勞病也</small></p>	<p>欽定四庫全書</p> <p>普濟方</p>	<p>辨太陰脈證并治</p> <p>拒 <small>音巨抑也</small> 函 <small>音含又音減書函</small> 眊 <small>音荒不明也</small> 腕 <small>音管臍也</small> 竭 <small>渠列切涸也</small> 蒂 <small>音帝爪帶也</small></p>	<p>辨不可下病脈證并治</p> <p>齧 <small>五結切噬也</small> 盥 <small>音貫澡手也</small> 悵快 <small>上丑亮切下于亮切望恨也</small> 嚶 <small>於耕切烏鳴也</small></p>	<p>漑灌 <small>上居代切下音貫洗也</small></p>	<p>普濟方卷一百二十九</p>
---	-----------	---	--------------------------	---	---	------------------------------------	------------------

